



玉函山房輯佚書

口 11
1236
42

四十三



24

明
補
卷
1236
42



玉函山房輯佚書目

卷四十

經編孝經類

孝經傳一卷

魏文侯

孝經后氏說一卷

漢后蒼

孝經安昌侯說一卷

漢張禹

孝經長孫氏說一卷

漢長孫氏

孝經王氏解一卷

魏王肅

孝經解讚一卷

吳韋昭

孝經殷氏注一卷

晉殷仲文

玉函山房輯佚書

目

一 婦孺館補校

集解孝經一卷 晉謝萬

齊永明諸王孝經講義一卷

孝經劉氏說一卷 齊劉瓛

孝經義疏一卷 梁武帝

孝經嚴氏注一卷 梁嚴植之

孝經皇氏義疏一卷 梁皇侃

古文孝經述義一卷 隋劉炫

御注孝經疏一卷 唐元行沖

孝經訓注一卷 唐魏真己

孝經傳一卷周魏文侯撰史記魏世家云桓子之孫曰文侯都司馬貞索隱曰系本桓子生文侯斯兩書系代不同而同稱文侯然則文侯名都又名斯也竹書紀年周考王元年魏文侯立事蹟具魏世家文侯著孝經傳漢隋唐志均不載惟漢志有雜傳四篇文侯傳當在其內今佚後漢書祭祀志劉昭補注引之又通典舊唐書顏師古議亦引孝經傳皆說明堂是一節文又齊民要術引魏文侯語亦見淮南子朱氏經義考余氏古經解鈎沈並取屬庶人章分天之道

句下茲並據輯文侯受業於子夏其得聖門之說必
 真而其書亦最古虞淳熙孝經通言謂孝經自魏文
 侯而下至唐宋傳之者百家九十九部二百二卷虞
 以文侯傳為孝經之首蓋視顏芝長孫氏江翁后蒼
 猶為後起斷珪殘璧少而彌珍已歷城馬國翰竹吾
 甫

孝經傳

第六章

周 魏文侯 撰

子曰因天之道分地之利

民春以力耕夏以鋤耘秋以收斂

賈思魏民要術卷一引魏文侯

之言不著經句朱氏葵尊經義考云當是孝經因
 天之道分地之利注也余氏蕭客古經解鉤沉取
 屬因天之道下案淮南子人間訓載解扁為東封
 上計而天三倍有司請賞之文侯曰吾土地非益
 廣也人民非益眾也入何以三倍對曰以冬伐木
 而積之於春浮於河而鬻之文侯曰民春以力耕
 夏以強耘秋以收斂冬間無事以伐林而積之負
 輓而浮之河是用民力不得休息也民以敝矣雖

孝經傳

一 婦孺館補校

有三倍之入將焉用之此三句所出又案漢志儒
家魏文侯六篇淮南所引出彼書中然以文侯之
語爲文侯解經之傳亦
無不可茲依二家錄之

四十卷三

第九章

宗祀文王於明堂

大學中學明堂之位也

後漢書志祭祀中劉昭補注載蔡邕明堂論引魏文

侯孝經傳 王應麟困學紀聞卷二亦引之

大學中學也庠言養也所以養僑德也舜命夔曰


汝典樂以教胥子胥子國子也

杜佑通典卷五十三引孝經 案此

與漢志注所引是一節文

明堂在國之陽

舊唐書卷二十二顏師古議引孝經傳



孝經后氏說一卷漢后蒼撰蒼字近君東海邾人通
 詩禮為博士至少府漢書儒林有傳蒼傳齊詩已輯
 錄齊詩傳漢藝文志孝經十一家有后氏說一篇隋
 唐志不著目佚已久攷漢書匡衡傳引稱孝經蒼傳
 云授翼奉蕭望之匡衡則衡為蒼之弟子漢人說經
 皆本師法則所稱述信為后氏遺說採列一家其引
 經字句與今本不同足資參攷訓辭莊雅尤可誦云
 歷城馬國翰竹吾甫

孝經后氏說

漢后蒼撰

孝經

聖人言之要

漢書匡衡傳上疏引臣聞據儒林傳后蒼授匡衡知匡衡述經義皆

本蒼說後倣此

第一章

邢昺正義曰案孝經遭秦坑焚之後為河間顏芝所藏初除挾書之律芝子貞

始出之長孫氏及江翁后蒼翼奉張禹等所說皆十八章及魯恭王壞孔子宅得古文二

十二章孔安國作傳劉向校經籍比量二本除其煩惑以十八章為定而不列名

大雅曰無念爾祖聿脩厥德

漢書本大雅作曰

孝經后氏說

一 鄉媛館補抄

孔子著之孝經首章蓋至德之本也同上

第九章

德義可尊容止可觀進退可度以臨其民是以其民畏而愛之則而象之今本德義可尊下有作事可法一句漢書匡衡傳上疏引孔子

日無作事句

聖王之自為動靜周旋奉天承親親朝享臣物有節文以章人倫蓋欽翼祇柴事天之容也溫恭敬遜承親之禮也正躬嚴恪臨眾之儀也嘉惠和說饗下之顏也舉錯動作物遵其儀故形為仁義動

為法則孔子曰德義可尊容止可觀進退可度以

臨其民是以其民畏而愛之則而象之漢書匡衡傳上疏引

臣又問

孝經安昌侯說一卷漢張禹撰禹字子文河內軹人
官至丞相封安昌侯事蹟詳漢書本傳漢藝文志孝
經十一家有安昌侯說一篇隋唐志皆不著目佚已
久邢昺正義引劉瓛述張禹之義僅一節他或引稱
舊說攷孝經以說名者漢志載長孫氏說二篇江氏
后氏翼氏安昌侯說各一篇四家俱無傳述張禹之
義既見劉瓛所引則佚說六朝時尚存正義取裁齊
梁諸疏故得據而述之又正義引鄭稱諸家一條則
康成之先禹在其內合輯六節古學已絕聊存一綫

云爾歷城馬國翰竹吾甫

四十卷八

孝經安昌侯說

漢張禹撰

第一章

那昂正義曰案孝經遭秦坑焚之後為
河間顏芝所藏初除挾書之律芝子貞
始出之長孫氏及江翁后蒼翼奉張禹等所
說皆十八章及魯恭王壞孔子宅得古文二
十二章孔安國作傳劉向校經籍比量二
本除其煩惑以十八章為定而不列名

仲尼居

仲者中也尼者和也言孔子有中和之德故曰仲

尼

那昂正義引劉
瓛述張禹之義

第二章

孝經安昌侯說

一 鄭媛館補校

子曰愛親者不敢惡於人敬親者不敢慢於人

愛生於真敬起自嚴孝是真性故先愛後敬也正義

引舊說

甫刑云一人有慶兆民賴之

天子自稱則言予一人予我也言我雖身處上位

猶是人中之一耳與人不異是謙也若人臣稱之

則惟言一人言四海之內惟一人乃為尊稱也正義

引舊說

第四章

非先王之法服不敢服非先王之法言不敢言非先王之德行不敢行是故非法不言非道不行口無擇言身無擇行言滿天下無口過行滿天下無怨惡三者備矣然後能守其宗廟蓋卿大夫之孝也詩云夙夜匪懈以事一人

天子諸侯各有卿大夫此章既云言行滿于天下

又引詩云夙夜匪懈以事一人是舉天子卿大夫

也天子卿大夫尙爾則諸侯卿大夫可知也正義引舊說

第五章

故以孝事君則忠

入仕本欲安親非貪榮貴也若用安親之心則為忠也若用貪榮之心則非忠也

正義引舊說

第六章

故自天子至於庶人孝無終始而患不及者未之有也

忠及身

正義引鄭曰諸家皆以為忠及身

孝經長孫氏說一卷漢長孫氏撰名字爵里俱無考漢興傳孝經漢志孝經一篇十八章長孫氏江氏后氏翼氏四家又長孫氏說二篇隋唐不著錄佚已久攷隋志謂長孫有闡門一章據孔安國古文孝經傳本錄出附考為卷表漢初大師傳經之首功存經遺章以為稽古之藉惜其說義不可得而觀矣歷城馬國翰竹吾甫

孝經長孫氏說

漢 長孫氏 撰

閨門之內具禮矣乎嚴父嚴兄妻子臣妾猶百姓徒

役也

隋書經籍志長孫有閨門一章據孔安國古文
孝經錄補黃震日抄讀孝經篇亦載此二十
二字云今女全無之
而古文自為一章

附考

漢書藝文志孝經一篇十八章長孫氏江氏后氏翼氏四家長孫氏說二篇

又曰孝經者孔子為曾子陳孝道也夫孝天之經地之義民之行也舉大者言故曰孝經漢興長孫氏博士江翁少府后倉諫大夫翼奉安昌侯張禹傳之各自名家

隋書經籍志孝經遭秦焚書為河間人顏芝所藏漢初芝子貞出之凡十八章而長孫氏江翁后蒼翼奉

孝經長孫氏說

附考


二 鄭煥館補校

張禹皆名其學又有古文孝經與古文尚書同出而長孫有閨門一章其餘經文大較相似

孫本古文孝經說疑昭帝時魯三老獻古文劉向典按經籍以顏本比對未免稍加脩飾故有除其繁惑之語然則古今文稍異者乃劉向為之也世儒疑閨門一章乃劉炫偽造不知古交流傳本末亦有可據唐司馬貞欲削閨門章為國諱得不以古文為偽然閨門章漢初長孫氏傳今文即有之劉向以顏本考定雖云除其繁惑然謂經文大較相同則閨門章未

嘗削矣豈後人所偽為耶

孝經王氏解一卷魏王肅撰肅於易書詩春秋左傳
儀禮禮記皆有注已各著錄隋志載孝經一卷王肅
解唐志作王肅注一卷今佚從注疏釋文史記集解
通鑑注輯錄二十二節子雍好珍鄭學此解不見有
駁難之語蓋唐明皇帝作注時悉汰去之至其說孝
無終始而患不及者引蒼頡篇謂患為禍與孔鄭義
同則切理愜心之訓亦有不能斥改者矣歷城馬國
翰竹吾甫



孝經王氏解

魏王肅撰

第一章 邢昺正義劉向校經籍比量二本除其煩惑以十八章為定而不列名又有荀昶集其錄及諸家疏並無章名

仲尼居

居閒居也 陸德明釋文

子曰先王有至德要道以順天下

至德孝為德之至也要道孝為道之要也 唐明皇帝御注

孝者德之至道之要也正義曰依王肅義釋文引王肅

第二章

子曰愛親者不敢惡於人敬親者不敢慢於人愛敬盡於事親而德教加於百姓刑於四海蓋天子之孝也

人子居四海之上為教訓之主為教易行故寄身

行者宣之

正義引王肅卓昭

第三章

富貴不離其與然後能保其社稷而和其民人

言富貴常在其身則常為社稷之主而人自和平

也

唐明皇帝御注正義曰此依王注釋

第四章

是故非法不言非道不行

言必守法行必遵道

唐明皇帝御注正義曰此依王義

第五章

故母取其愛而君取其敬兼之者父也

言事父兼愛與敬也

唐明皇帝御注正義曰此依王注也

第六章

孝無終始而患不及者未之有也

蒼頡篇謂患為禍

正義曰孔鄭韋王之學引之以釋此經

第七章

是故先之以博愛而民莫遺其親

君愛其親則人化之無有遺其親者

唐明皇帝御注正義曰此

依王注

第八章

不敢遺小國之臣而况於公侯伯子男乎

小國之臣至卑者耳王尚接之以禮况於五等諸

侯是廣敬也

上

第九章

昔者周公郊祀后稷以配天

配天於南郊祀之

史記封禪書裴駰集解

宗祀文王於明堂以配上帝

上帝天也

胡三省通鑑音注卷三十六

第十章

居則致其敬

平居必盡其敬

唐明皇帝御注正義曰此依王注也

第十三章

孝經王氏解

三鄉媛館補校

教以孝所以敬天下之為人父者也教以悌所以敬天下之為人兄者也

舉孝悌以為教則天下之為人子弟者無不敬其父兄也

教以臣所以敬天下之為人君者也

舉臣道以為教則天下之為人臣者無不敬其君也並同上

十四章

居家理治可移於官

居家理下闕一故字

今注疏本有故字正義曰先儒以為居家理下闕一故字皆無故字並以爲闕可知也

第十五章

昔者天子有爭臣七人

禮記文王世子記曰虞夏商周有師保有疑丞設

四輔及三公不必備惟其人

正義曰按孔鄭二注及先儒所傳並引禮記文王世子以解七人之義下接按文王世子記曰云云

諸侯有爭臣五人

三卿內史外史

正義引王肅

大夫有爭臣三人

家相室老邑宰

正義曰大夫三者孔傳指家相室老側室以充三人之數王肅無側

室而謂邑宰

第十六章

子曰昔者明王事父孝故事天明事母孝故事地察

王者父事天母事地

唐明皇帝御注正義曰此依王注義也

脩身慎行恐辱先也

天子雖無上於天下猶脩持其身謹慎其行恐辱

先祖而毀盛業也

第十七章

將順其美

將行也君有美善則順行之

匡救其惡

匡正也救止也君有過惡則正而止之

並同上

孝經解讚一卷吳韋昭撰昭有毛詩答問已著錄此
 編隋唐志皆以一卷著目今佚從注疏所引得十節
 又儀禮經傳通解引一節正義脫文也並據輯錄其
 說衣美不安據書成王崩康王冕服卽位既事畢反
 喪服說食旨不甘據曲禮喪有疾飲酒食肉訓義切
 實與鄭康成箋詩相似至郊祀后稷以配天全用鄭
 義然則書名解讚或讚鄭解也歟歷城馬國翰竹吾

甫

孝經解讚

吳 韋昭 撰

第一章

邢昺正義曰劉向校經籍比量二本除其煩惑以十八章為定而不列名又有荀昶集其錄及諸家疏並無章名

子曰夫孝德之本也教之所由生也

言教從此而生

唐明皇帝御注正義曰此依韋注也

第二章

子曰愛親者不敢惡於人敬親者不敢慢於人愛敬盡於事親而德教加於百姓刑於四海蓋天子之孝

孝經解讚

鄭煥館補校

也

天子居四海之上為教訓之主為教易行故寄易

行者宣之

正義引王肅章昭

第六章

孝無終始而患不及者未之有也

蒼頡篇謂患為禍

正義曰孔鄭韋王之學引之以釋此經

第九章

昔者周公郊祀后稷以配天

東方青帝靈威仰周為木德威仰木帝以后稷配

蒼龍精也

朱子儀禮經傳通解引鄭元以祭法有周人禘嘗之女遂變郊為感生之帝謂

東方青帝云云韋昭所著亦符此說據補

第十二章

移風易俗莫善於樂

人之性繫於大人大人風聲故謂之風隨其趨舍

之情故謂之俗

正義引韋昭

第十四章

居家理治可移於官

居家理下闕一故字

今注疏本有故字正義曰先儒以為居家理下闕一故字

孝經解贊

二 嫗媛館補校

御註加之據此則唐以前本皆無故字並以爲有闕也

第十五章

昔者天子有爭臣七人

禮記文王世子記曰虞夏商周有師保有疑丞設

四輔及三公不必備惟其人正義曰按孔鄭二注及先儒所傳並引禮

記文王世子以解七人之義下接按文王世子記曰云云

第十七章

進思盡忠

進見於君則思盡忠節唐明皇帝御注正義曰此依韋注也

退思補過

退居私室則思補其身過正義引韋昭

第十八章

服美不安

書云成王既崩康王冕服卽位既事畢反喪服據

此則天子諸侯但位定初喪是皆服美故宜不安

也正義引韋昭

食旨不甘

曲禮云有疾則飲酒食肉是爲食旨故宜不甘也

上同

孝經殷氏注一卷晉殷仲文晉書有仲文傳不載其字里文選注引檀道鸞晉書秋云仲文字仲文陳郡人官至東陽太守其事蹟則本傳詳載所注孝經一卷隋志云梁有又云亡唐志復著其目今佚唯邢昺正義引三節其以表德之字說仲尼與不孝之罪枉三千條外說五刑之屬節正義皆不取而其說至德要道云窮理之至以一管衆為要粹然理語周子通書聖學篇所謂一為要者實探源於此顧世無稱述得毋以桓元戚黨惡其人而並棄其言耶歷城馬

孝經殷氏注

序

一 鄭媛館補校

國翰竹吾甫

Vertical columns of text, mostly blank or faintly visible bleed-through from the reverse side.

孝經殷氏注

晉 殷仲文 撰

第一章

邢昺正義曰案孝經遭秦坑焚之後為
始出之長孫氏及江翁后蒼翼奉張禹等所
說皆十八章及魯恭王壞孔子中得古文二
十二章孔安國作傳劉向核經算比量二本
除其煩惑以十八章為定而不列名又有荀
昶集其錄及諸
家疏並無章名

仲尼居曾子侍

夫子深敬孝道故稱表德之字

邢昺正義

子曰先王有至德要道以順天下民用和睦上下無

怨汝知之乎

窮理之至以一管眾為要正義

第十一章

子曰五刑之屬三千而罪莫大於不孝

不孝之罪聖人惡之在三千條外正義引舊說及謝安袁宏王獻

之殷仲文等

第十四章

居家理治可移於官

居家理下闕一字今注疏本有故字正義曰先儒以為居家理下闕一字

御注加之據此則唐以前本並以爲闕

集解孝經一卷晉謝萬撰萬字萬石陳國陽夏人安
 之弟官至散騎常侍事蹟見晉書本傳隋志載其集
 解孝經一卷唐志作謝萬注卷同今佚從邢昺正義
 輯錄四節又得謝安說五刑之屬一節隋唐志並不
 著安注孝經之目與萬是一家學亦併附錄史載萬
 與蔡系爭言至落牀壞面又言受任北征矜豪傲物
 則其人亦任誕之流殊無足取然書以集解名寥落
 佚文古說存焉矣歷城馬國翰竹吾甫

集解孝經

晉 謝萬 撰

第六章

邢昺正義曰案孝經遭秦坑焚之後為河間顏芝所藏初除挾書之律芝子貞始出之長孫氏及江翁后蒼翼奉張禹等所說皆十八章及魯恭王壞孔子宅得古文二十二章孔安國作傳劉向校經籍比量二本除其頌感以十八章為定而不列名又有荀昶集其錄及諸家疏竝無章名

故自天子至於庶人孝無終始而患不及者未之有也

無終始恒患不及未之有者少賤之辭也

邢昺正義引謝

言為人無終始者謂孝行有終始也患不及者謂

用心憂不足也能行如此之善曾子所以稱難故

鄭注云善未有也正義引謝萬云云謂詳此義將

下盡力隨分寧眼高卑則因心而行無不及也如
依謝萬之說此則常情所昧矣子夏曰有始有卒
者其惟聖人乎若施化惟待聖人千載方期
一遇加於百姓刑於四海乃為虛說者與

第十四章

居家理治可移於官

居家理下闕一故字今注疏本理下有故字正義曰先儒以為居家理下闕一

故字御註加之據此則唐以前本皆無故字並以爲闕也

第十五章

昔者天子有爭臣七人

禮記文王世子記曰虞夏商周有師保有疑丞設

四輔及三公不必備惟其人正義曰按孔鄭二注及先儒所傳並引禮

記文王世子以解七人之義下接按文王世子記曰云云

附錄

第十一章

子曰五刑之屬三千而罪莫大於不孝

不孝之罪聖人

在三千條外

正義引舊注及謝安袁宏王獻

之殷仲女等

齊永明諸王孝經講義一卷撰人缺隋志載齊永明三年東宮講永明中諸王講及賀瑒講議孝經義疏各一卷並云梁有又云亡唐志不著目佚已久攷南齊書文惠太子傳永明三年於崇正殿講孝經少傳王儉以摛旬令太僕周顒撰為義疏五年冬太子臨國學親臨策試諸生下載太子問王儉張緒及竟陵王子良臨川王暎問答凡十四節傳言永明五年與隋志所稱永明中諸王講正合茲據輯補太子以長年臨學與諸王一堂諮論皆前代所未有錄列一家

東宮講義大旨亦於此見其略云歷城馬國翰竹吾甫

齊永明諸王孝經講義

永明三年於崇正殿講孝經少傅王儉以摛句令周
顒撰為義疏五年冬太子臨國學親臨策試諸生於
坐問少傅王儉曰曲禮云無不敬尋下之奉上可以
盡禮上之接下慈而非敬今總同名將不為昧

南齊書文

惠大子傳

儉曰鄭元云禮主於敬便當是尊卑所同

同上

太子曰若如來通則忠惠可以一名孝慈不須別稱
儉曰尊卑號稱不可悉同愛敬之名有時相次忠

惠之異誠以聖旨孝慈互舉竊有徵據禮云不勝喪比於不慈不孝此則其義

太子曰資敬奉君資愛事親兼此二塗唯在一極今乃移敬接下豈復在三之義

儉曰資敬奉君必同至極移敬逮下不慢而已

太子曰敬名雖同淺深既異而文無差別彌復增疑

儉曰繁文不可備設略言深淺已見傳云不忘恭

敬民之主也書云奉先思孝接下思恭此又經典

明文互相起發

太子問金紫光祿大夫張緒

緒曰愚謂恭敬是立身之本尊卑所以並同

太子曰敬雖立身之本要非接下之稱尚書云惠鮮

鰥寡何不言恭敬鰥寡邪

緒曰今別言之居然有恭惠之殊總開記首所以

共斯稱

竟陵王子良曰禮者敬而已矣自上及下愚謂非

嫌

太子曰本不謂有嫌正欲使言與事符輕重有別耳

臨川王暎曰先舉必敬以明大體尊卑事數備列後章亦當不以總略而礙

太子又以此義問諸學生

謝幾卿等十一人並以筆對

太子問王儉曰周易乾卦本施天位而說卦云帝出乎震震本非天義豈相當

儉曰乾健震動天以運動為德故言帝出震

太子曰天以運動為德君自體天居位震雷為象豈體天所出

儉曰主器者莫若長子故受之以震萬物出乎震故亦帝所與焉

儉又詔太子曰孝經仲尼居曾子侍夫孝理宏深大賢方盡其致何故不授顏子而寄曾生

太子曰曾生雖德慙體二而色養盡禮去物而近接引非隔宏宣規教義在於此

儉曰接引非隔宏宣雖易去聖轉遠其事彌輕既云人能宏道將恐人輕道廢

太子曰理既有在不容以人廢言而況中賢之才宏

上聖之教寧有壅塞之嫌

臨川王暎諮曰孝為德本常是所疑德施萬善孝由天性自然之理豈因積習

太子曰不因積習而至所以可為德本

暎曰率由斯至不俟明德大孝榮親眾德光備以此而言豈得為本

太子曰孝有深淺德有大小因其分而為本何所稍

疑並同上

孝經劉氏說一卷齊劉瓛撰瓛有周易乾坤義毛詩序義已各著錄其說孝經隋唐志皆不載邢昺正義序稱之卷數未詳今佚即從正義所引輯得五節說仲尼居述張禹中和之義正義所不取說孝無終而患不及者以謝萬少賤之辭為失正義從其解要其全書固醇疵互見者也歷城馬國翰竹吾甫

孝經劉氏說

齊劉瓛撰

第一章

仲尼居

張禹之義以為仲者中也尼者和也言孔子有中

和之德故曰仲尼邢昺正義

第二章

蓋天子之孝也

蓋者不終盡之辭明孝道之廣此略言之也

孝經劉氏說

鄭煥館補校

第五章

故母取其愛而君取其敬兼之者父也
父情天屬尊無所屈故愛敬雙極也

第六章

故自天子至於庶人孝無終始而患不及者未之有也

謝萬以為無終始恒患不及未之有者少賤之辭也

禮不下庶人若言我賤而患孝行不及者未之有

也此但憂不及之理而失於歎少賤之辭也

第十五章

若夫慈愛恭敬安親揚名

夫猶凡也並同上

孝經義疏一卷梁武皇帝撰帝有周易講疏樂社大義鐘律緯已各著錄梁書武帝紀大同四年三月侍中領國子博士蕭子顯上表置制旨孝經助教一人生十人專通高祖所釋孝經義隋唐志並載義疏十八卷今佚邢昺正義引三節又從武帝集得說明堂一節合輯爲帙其訓仲尼云邱爲聚尼爲和說太迂曲宜爲邢氏所不取其說天子士二章之義辨化辨情固自入理也歷城馬國翰竹吾甫

孝經義疏

梁 武皇帝 撰

開宗明義章第一

仲尼居曾子侍

邱爲聚尼爲和 邢昺正義

天子章第二

子曰愛親者不敢惡於人敬親者不敢慢於人愛敬盡於事親而德教加於百姓刑於四海蓋天子之孝也

孝經義疏

一 媿館補校

問曰天子以愛敬為孝及庶人以躬耕為孝王者並相通否梁王答云天子既極愛敬必須五等行之然後乃成庶人雖在躬耕豈不愛敬及不驕不溢已下事邪以此言之五等之孝反相通也然諸侯言保社稷大夫言守宗廟士言保其祿位而守其祭祀以則言之天子當云保其天下庶人當言保其田農此畧之不言何也左傳曰天子守在四夷故愛敬盡於事親之下而言德教加于百姓刑于四海保守之理已定不煩更言保也庶人因天

之道分地之利謹身節用保守田農不離於此既無守任不假言保守也同上

士章第五

資於事父以事母而愛同資於事父以事君而敬同故母取其愛而君取其敬兼之者父也故以孝事君則忠以敬事長則順忠順不失以事其上然後能保其祿位而守其祭祀蓋士之孝也詩云夙興夜寐無忝爾所生

天子章陳愛敬以辨化也此章陳愛敬以辨情也

上同

聖治章第九

宗祀文王於明堂以配上帝

明堂准大戴禮九室八牖三十六戶以茅蓋屋上
 圓下方鄭元據援神契亦云上圓下方又云八窗
 四達明堂之義本是祭五帝神九室之數未見其
 理若五堂而言雖當五帝之數向南則背叶光紀
 向北則背燹怒東向西向又亦如此於事殊未
 可安且之祭五帝則是總義在郊之祀五帝

則是別義宗祀所配復應有室若專配一室則是
 義非配五若皆配五則便成五位以理而言明堂
 本無有室朱异以月令天子居明堂左右个聽朔
 既在明堂今若無室則於義成闕制曰若如鄭元
 之義聽朔必在明堂於此則人神混淆莊敬之道
 有廢春秋云介居二大國之間此言明堂左右个
 者謂所祀五帝堂之南又有小室亦號明堂分爲
 三處聽朔既三處則有左右之義在營域之內明
 堂之外則有个名故曰明堂左右个也以此而言

聽朔之處自在五帝堂之外人神有別差無相干
梁武
帝集

孝經嚴氏注一卷梁嚴植之字孝源秭歸人官至中
撫記室參軍兼博士事蹟具南史儒林傳隋志有梁
五經博士嚴植之孝經注一卷亡唐志不著錄佚已
久邢昺正義引三節又引先儒之說二條則嚴亦在
內合輯錄之史稱植之習鄭氏禮則注孝經亦必以
康成爲宗史稱館在湖溝生徒常百數講說有區段
次第析理分明每登講五館生畢至聽者千餘人則
於經實有所會惜訓教散失其詳不可得聞矣歷城
馬國翰竹吾甫

孝經嚴氏注

梁嚴植之撰

士章第五

故以孝事君則忠

上云君父敬同則忠孝不得有異言以至孝之心

事君必忠也

邢昺正義引嚴植之

庶人章第六

用天之道分地之利謹身節用以養父母此庶人之孝也

孝經嚴氏注

一 嬭嬛館補校

士有員位人無限極故士以下皆為庶人同上

廣揚名章第十四

居家理治可移於官

居家理下闕一故字

今注疏本有故字正義曰先儒以為居家理下闕一故字御註加之據此則唐以前本皆無故字並以爲闕也

諫諍章第十五

昔者天子有爭臣七人

禮記文王世子記曰虞夏商周有師保有疑丞設

四輔及三公不必備惟其人正義曰按孔鄭二注及先儒所傳並引禮

記文王世子以解七人之義下接按文王世子記曰云云

喪親章第十八

食旨不甘

美食人之所甘孝子不以爲甘故問喪云口不甘

味正義引嚴植之

孝經皇氏義疏一卷梁皇侃撰侃有禮記義疏已著
 錄其疏孝經隋唐志並三卷今佚從邢昺正義輯錄
 一十八節孫奭序譏其義疏辭多紕繆理昧精研然
 就邢氏所引固皆摭拾菁華矣歷城馬國翰竹吾甫

孝經皇氏義疏

梁皇侃撰

孝經

經者常也法也此經為教任重道遠雖復時移代
革金石可消而為孝事親常行存世不滅是其常
也為百代規模人生所資是其法也言孝之為教
使可常而法之易有上經下經老子有道德經孝
為百行之本故名曰孝經

邢昺正義

開宗明義章第一

開宗及紀孝行喪親等三章通於貴賤正義

立身行道揚名於後世以顯父母孝之終也

若生能行孝沒而揚名則身有德譽乃能光榮其父母也祭義曰孝也者國人稱願然曰幸哉有子如此哀公問稱孔子對曰君子也者人之成名也百姓歸之名謂之君子之子是使其親為君子也此則揚名榮親也同上

天子章第二

子曰愛親者不敢惡於人敬親者不敢慢於人愛敬

盡於事親而德教加於百姓刑於四海蓋天子之孝也甫刑云一人有慶兆民賴之

上陳天子極尊下列庶人極卑尊卑既異恐嫌為孝之理有別故以一子曰通冠五章明尊卑貴賤有殊而奉親之道無二正義愛敬各有心迹丞丞至惜是為愛心溫清搔摩是為愛跡肅肅悚悚是為敬心拜伏擎跪是為敬跡同上蓋者略陳此未能究竟同上

諸侯章第三

在上不驕高而不危制節謹度滿而不溢高而不危所以長守貴也滿而不溢所以長守富也富貴不離其身然後能保其社稷而其民人蓋諸侯之孝也詩云戰戰兢兢如臨深淵如履薄冰

制節謹度謂宮室車旗之類皆不奢僭也在上不驕以戒貴應云溢財不奢以戒富若云制節謹度以戒富亦應云制節謹身以戒貴此不例者互其文也正義稷五穀之長亦為土神民是廣及無知人是稍識仁義即府史之徒故言民人言遠近皆和

悦也同上

卿大夫章第四

非先王之法服不敢服非先王之法言不敢道非先王之德行不敢行是故非法不言非道不行口無擇言身無擇行言滿天下無口過行滿天下無怨惡三者備矣然後能守其宗廟蓋卿大夫之孝也詩云夙夜匪懈以事一人

初陳教本故舉三事服在身外可見不假多戒言行出於內府難明必須備言最於後結宜應總言

謂人相見先觀容飾次交言辭後謂德行故言三者以服為先德行為後也

正義

士章第五

資於事父以事母而愛同資於事父以事君而敬同故母取其愛而君取其敬兼之者父也故以孝事君則忠以敬事長則順忠順不失然後能保其祿位而守其祭祀蓋士之孝也

稱保者安鎮也守者無逸也社稷祿位是公故言保宗廟祭祀是私故言守也士初得祿位故兩言

之也

正義

庶人章第六

自天子至於庶人孝無終始而患不及者未之有也

無始有終謂改悟之善惡禍何必及之

正義

三才章第七

詩云赫赫師尹民其爾瞻

無先王在上之詩故斷章引太師之什

正義

孝治章第八

故得萬國之懽心以事其先王

春秋稱禹會諸侯於塗山執玉帛者萬國言禹要服之內地方七千里而置九州九州之中有方百里七十里五十里之國計有萬國也王制殷之諸侯有千七百七十三國也孝經稱周諸侯有九千八國所以證萬國為夏法也正義是以天下和平災害不生

天反時為災謂風雨不節地反物為妖妖即害物謂水旱傷禾稼也善則逢殃為禍臣下反逆為亂也同上

廣至德章第十三

非至德其孰能順民如此其大者乎

并結要道至德兩章正義

諫諍章第十五

曾子曰若夫慈愛恭敬安親揚名則聞命矣

上陳愛敬則包於慈恭矣慈者孜孜愛者念惜恭

者貌多心少敬者心多貌少正義

昔者天子有爭臣七人雖無道不失天下

夫子述孝經之時當周亂衰之代無此諫爭之臣

故言昔者也不言先王而言天子者諸稱先王皆指聖德之主此言無道所以不稱先王也

同上

感應章第十六

詩云自西自東自南自北無思不服

先言西者此是周施德化從西起所以文王為西

伯又為西鄰

正義

喪親章第十八

為之棺槨衣衾而舉之

據檀弓天子棺四重謂水兕革棺槨棺二最在內

者水牛皮次外兕牛皮各厚三寸為一重合厚六寸又有槨棺厚四寸謂之槨棺言漆之槨槨然前三物為二重合一尺外又有梓棺棺厚六寸謂之屬棺言連屬內外就前四物為三重合厚一尺六寸外又有梓棺厚八寸謂之大棺言其最大在眾棺之外就前五物為四重合厚二尺四寸也上公去水牛皮則三重合厚二尺一寸也侯伯子男又去兕牛皮則三重合厚一尺八寸上大夫又去槨棺一重合厚一尺四寸下大夫亦一重但屬四寸

大棺六寸合厚一尺士不重無屬唯大棺六寸庶

人卽棺四寸正義

古文孝經述義一卷隋劉炫撰炫有詩禮春秋述義
 已各著錄隋書經籍志云梁代安國及鄭氏二家並
 立國學而安國之本亡於梁亂陳及周齊唯傳鄭氏
 至隋祕書監正王劭於京師訪得孔傳送至河間劉
 炫炫因序其得喪述其義疏講於人間漸聞朝廷遂
 著令與鄭氏並立唐會要載劉知幾議以古文孝經
 孔傳爲開皇十四年祕書學士王孝逸於京市陳人
 處買得一本送與著作郎王劭劭以示河間劉炫又
 云炫輒以所見率意刊改因著古文孝經稽疑一篇

隋唐志並載述義五卷今佚邢昺正義引之其稽疑一篇附著孝經序正義據輯為卷劉以古孝經庶人章分為二曾子敢問章分為三又多閨門一章凡二十章案黃氏曰抄謂今文三才章其政不嚴而治與先王見教之可以化民通為一章古文則分為二章今文聖治章第九其所因者本也與父子之道天性通為一章古文則為二章不愛其親而愛他人者古文又分為一章又云閨門云云二十二字今文全無之而古文自為一章聖治分三章與劉說合劉以

庶人章分為二而黃謂三才章互有不同茲仍以劉為據至閨門一章世儒或疑炫偽作然漢初長孫氏傳今文即有之豈後人所偽為邪孫本固嘗辨論之矣歷城馬國翰竹吾甫

古文孝經述義

隋 劉炫 撰

孝經

炫謂孔子自作孝經本非曾參請業而對也士有
 百行以孝為本本立而後道行道行而後業就故
 曰明王之以孝治天下也然則治世之要孰能非
 乎徒以教化之道因時立稱經典之目隨事表名
 至使威儀禮節之餘盛傳當代孝悌德行之本隱
 而不彰夫子運偶陵遲禮樂崩壞名教將絕特感

聖心因弟子有請問之道師儒有教誨之義故假
曾子之言以爲對揚之體乃非曾子實有問也若
疑而始問答以申辭則曾子應每章一問仲尼應
每問一答按經夫子先自言之非參請也諸章以
次演之非待也且辭義血脉文連旨環而開宗題
其端緒餘章廣而成之非一問一答之勢也理有
所極方始發問又非請業請答之事首章言先王
有至德要道則下章云此之謂要道也非至德其
孰能順民皆遙結道本答曾子也舉此爲例凡有

數科必其主爲曾子言首章答曾子已了何由不
待曾子問更自述而修之且三起曾子侍坐與之
別二者是問也一者歎之也故假言乘間曾子坐
也與之論孝開宗明義上陳天子下陳庶人語盡
無更端於曾子未有請故假參歎孝之大又說以
孝爲理之功說之以終欲言其聖道莫大於孝又
假參問乃說聖人之德不加於孝在前論敬順之
道未有規諫之事慤慤在悅色不可頓說犯顏故
須更借曾子言陳諫爭之義此皆孔子須參問非

參須問孔子也莊周之斥鷃笑鵬罔兩問影屈原
之漁父鼓柁太卜拂龜馬卿之烏有無是揚雄之
翰林子墨寧非師祖製作以爲楷模者乎若依鄭
註實居講堂則廣延生徒侍坐非一夫子豈凌人
侮衆獨與參言邪且云汝知之乎何必直汝曾子
而參先避席乎必其徧告諸生又有對者當參不
讓儕輩而獨答乎假使獨與參言言畢參自集錄
豈宜稱師字者乎由斯言之經教發極夫子所撰
也而漢書藝文志云孝經者孔子爲曾子陳孝道

也謂其爲曾子特說此經然則聖人之有述作豈
爲一人而已斯皆誤本其文致茲乖謬也所以先
儒注解多所未行唯鄭元之六藝論曰孔子以六
藝題目不同指意殊別恐道離散後世莫知根源
故作孝經以總會之其言雖則不然其意頗近之
矣然入室之徒不獨假曾子爲言以參徧得孝名
也老子曰六親不和有孝慈然則孝慈之名因不
和而有若萬行俱備稱爲人聖則凡聖無不盡也
而家有三惡舜稱大孝龍逢比干忠名獨彰君不

明也孝已伯奇之名偏著母不慈也曾子性雖至孝蓋有由而發矣蒸藜不熟而出其妻家法嚴也菽瓜傷苗幾殞其命明父少恩也曾子孝名之大其或由茲固非參性遲朴躬行匹夫之孝也

邢昺
孝經
序正
義

第一章

古孝經庶人章分爲二曾子敢問章分爲三又多

閨門一章凡三十二章

正義

曾子避席曰參不敏何足以知之

性未達何足知

夫孝始於事親中於事君終於立身

鄭氏以爲父母生之是事親爲始四十強仕是事君爲中七十致仕是立身爲終也若以始爲在家終爲致仕則兆庶皆能有始人君所以無終若以年七十者始爲孝終不致仕者皆爲不立則中壽之輩盡口不終顏子之流亦無所立矣

大雅云無念爾祖聿脩厥德

夫子敘經申述先王之道詩書之語事有當其義

者則引而證之示言不虛發也七章不引者或事
義相違或文勢自足則不引也五經唯傳引詩而
禮則雜引詩書及易並意及則引若汎指則云詩
曰詩云若指四始之名即云國風大雅小雅魯頌
商頌若指篇名即言勺曰武曰皆隨所便而引之
無定例也並同上

第二章

蓋天子之孝也

孔傳云蓋者辜較之辭辜較猶梗概也孝道既廣

此纔舉其大要也鄭注云蓋者謙辭若以制作須
謙則庶人亦當謙矣苟以名位須謙夫子曾為大
夫於士何謙而亦云蓋也斯則卿士以上之言蓋
者並非謙辭可知也正義

甫刑云

孔傳後為甫侯故稱甫刑炫以為遭秦焚書各信
其學後人不能改正而兩存之也同上

第四章

非先王之法服不敢服

古文孝經九義

五 鄭媛館補校

君子上不僭上下不偪下

正義云劉炫引禮證之

第五章

故母取其愛而君取其敬兼之者父也

母親至而尊不至豈則尊之不極也君尊至而親

不至豈則親之不極也惟父既親且尊故曰兼也

正也

第六章

用天之道分地之利謹身節用以養父母此庶人之孝也

分地之利黍稷生於陸菰稻生於水

正義

第七章

案劉云庶人章分為二依錄之

故自天子以至於庶人孝無終始而愚不及者未之有也

第九章

子曰昔者明王之以孝治天下也不敢遺小國之臣而况於公侯伯子男乎故得萬國之權心以事其先王治國者不敢侮於鰥寡而况於士民乎故得百姓之權心以事其先君治家者不敢失於臣妾而况於

妻子乎故得人之權心以事其親

遺謂意不存錄侮謂忽慢其人失謂不得其意小國之臣位卑或簡其禮故云不敢遺也鰥寡人中賤弱或被人輕侮欺陵故云不敢侮也臣妾營事產業宜須得其心力故云不敢失也明王况公侯伯子男諸侯况士民卿大夫况妻子者以王者尊貴故况列國之貴者諸侯差卑故况國中之卑者以五等皆貴故况其卑也大夫或事父母故况家人之貴者也

正義

第十章

曾子曰敢問聖人之德無以加於孝乎子曰天地之性人為貴人之行莫大於孝孝莫大於嚴父嚴父莫大於配天則周公其人也昔者周公郊祀后稷以配天宗祀文王於明堂以配上帝是以四海之內各以其職來祭夫聖人之德又何以加於孝乎故親生之膝下以養父母曰嚴聖人因嚴以教敬因親以教愛聖人之教不肅而成其政不嚴而治其所因者本也明堂居國之南南是明陽之位故曰明堂

正義

第十一章

父子之道天性也君臣之義也父母生之續莫大焉君臨之厚莫重焉

第十二章

案劉云曾子啟問章分爲三依用之

故不愛其親而愛他人者謂之悖德不敬其親而敬他人者謂之悖禮以順則逆民無則焉不在於善而皆在於凶德雖得之君子不貴也君子則不然言思可道行思可樂德義可尊作事可法容止可觀進退可度以臨其民是以其民畏而愛之則而象之故能

成其德而行其政令詩云淑人君子其儀不忒

德者得於理也義者宜於事也得理在於身宜事見於外謂理得事宜行道守正故能爲人所尊也

正義

第十三章

案劉云多闡門一章據補

閨門之內其禮矣乎嚴親嚴兄妻子臣妾繇百姓徒役也

第十七章

敬以臣所以敬天下之爲人君者也

將教爲臣之道固須天子身行者

正義

四十卷六十一

詩云愷悌君子民之父母非至德其孰能順民如此其大者乎

詩美民之父母證君之行教未證至德之大故詩

下別起歎辭所以異於餘章

同上

第十九章

管子曰若夫慈愛恭敬安親揚名則聞命矣

禮記內則說子事父母慈以旨甘喪服四制云高

宗慈良於喪莊子曰事親則孝慈此並施於事上

夫愛出於內慈爲愛體敬生於心恭爲敬貌此經

悉陳事親之迹寧有接下之文夫子據心而爲言

所以唯稱愛敬曾參體貌而兼舉所以並舉慈恭

昔者天子有爭臣七人不陷於不義

案下文云子不可以不爭於父臣不可以不爭於

君則爲子爲臣皆當諫爭豈獨大臣當爭小臣不

爭乎豈獨長子當爭其父衆子不爭者乎若父有

十子皆得諫爭王有百辟惟許七人是天子之佐

乃少於匹夫也又案洛誥云成王謂周公曰誕保

七鄉鄉館補校

文武受民亂為四輔罔命伯罔惟予一人無良實
賴左右前後有位之士匡其不及據此而言則左
右前後四輔之謂也疑丞輔弼當指於臣非是別
立官也

第二十二章

三十日食教民無以死傷生毀不滅性

三日之後乃食皆謂滿三日則食也並同上

御注孝經疏一卷唐元行沖撰行沖有釋疑論已著
錄禮記類唐書玄宗白注孝經詔行沖為疏立於學
宮唐志二卷宋志三卷今佚邢昺正義引制旨四節
朱氏經義考於唐明皇孝經注下云唐志作孝經制
旨是制旨即明皇御注而正義引制旨其一節即注
文而少一字其三節說義敷暢與注不同考明皇孝
經云一章之中凡有數句一句之內意有兼明具載
則文繁畧之又義闕今存於疏用廣發揮據此則制
旨之文乃行沖疏而正義用之行沖奉詔作疏故述

注意亦稱制旨輯錄為卷宋會要載邢昺等作孝經正義謂取元行沖疏約而修之則元疏固渾於正義之中其文筆猶可循省也歷城馬國翰竹吾甫

御注孝經疏

唐 元行沖 撰

庶人章第六

故自天子至於庶人孝無終始而患不及者未之有也

制旨曰嗟乎孝之為大若天之不可逃也地之不可遠也朕窮五孝之說人無貴賤行無終始未有不由此道而能立其身者然則聖人之德豈云遠乎哉我欲之而斯至何患不及於己者哉

邢昺正義

三才章第七

曾子曰甚哉孝之大也子曰夫孝天之經也地之義也民之行也天地之經而民是則之則天之明因地之利以順天下是以其教不肅而成其政不嚴而治制旨曰天無立極之統無以常其明地無立極之統無以常其利人無立身之本無以常其德然則三辰迭運而一以經之者大利之性也五工分植而一以宜之者大順之理也百行殊塗而一致之者大中之要也夫愛始於和而敬生於順是以因

和以教愛則易知而有親因順以教敬則易從而
有功愛敬之化行而禮樂之政備矣聖人則天之
明以為經因地之利以行義故能不待嚴肅而成
可久可大之業焉同上

聖治章第九

故親生之膝下以養父母日嚴聖人因嚴以教敬因
親以教愛聖人之教不肅而成其政不嚴而治其所
因者本也

制旨曰夫人倫正性在蒙幼之中導之斯通壅之

斯蔽故先王慎其所養於是乎有胎中之教膝下
之訓感之以惠和而日親焉期之以恭順而日嚴
焉夫親也者緣乎正性而達乎人情者也故因其
親嚴之心教以愛敬之範則不嚴而治不肅而成
謂其本於先祖也上同

事君章第十七

退思補過

制旨曰君有過則思補益唐明皇帝御注君有過
失則思補益正義云此
旨也

孝經訓注一卷隋魏真已撰邢昺孝經序疏以真已
鉅鹿人作孝經訓注唐志有魏克已注孝經一卷列
在賈公彥下蓋本一人或書名書字異耳其注今佚
唐明皇帝御注用其義凡十二節正義皆標明魏注
茲據輯錄外有庶人章注分別五士視其高下閩本
監本毛本正義並云依鄭注宋本作魏注考唐會要
司馬貞議取此二語為鄭注與孔安國傳所謂脫衣
就功云云較其優劣則為鄭注明矣故雖出宋本不
敢從之王應麟云明皇序謂韋昭王肅先儒之領袖

虞翻劉劭抑又次焉劉炫明安國之本陸澄譏康成
 之注又謂特舉六家之異同六家者韋昭王肅虞翻
 劉劭及孔鄭也王應麟云今攷經典序錄有孔鄭王
 劉韋五家而無虞翻以此獻疑然細檢注疏亦無依
 虞注依劉注之文而依用魏注復出六家之外此又
 未知何故意魏氏訓注或本仲翔孔才以立說歟歷
 城馬國翰竹吾甫

孝經訓注

隋 魏真己撰

天子章第二

子曰愛親者不敢惡於人

博愛也

唐明皇帝御注邢昺正義曰此依魏注也

敬親者不敢慢於人

廣敬也

庶人章

用天之道分地之利謹身節用以養父母此庶人之

孝也

庶人爲孝唯此而已

三才章

先之以敬讓而民不爭

君行敬讓則人化而不爭

導之以禮樂而民和睦

禮以檢其跡樂以正其心則和睦矣

孝治章第八

故得萬國之懽心以事其先王

萬國舉其多也言行孝道以理天下皆得懽心則各以其職來助祭也

治國者不敢侮於鰥寡而况於士民乎

理國謂諸侯也鰥寡國之微者君尙不敢輕侮况

知義之士乎

聖治章第九

不在於善而皆在於凶德雖得之君子不貴也

言悖其德禮雖得志於人上君子之不貴也

君子則不然

孝經訓生

二 婦孺館補校

不悖德禮也

紀孝行章第十

養則致其樂

就養能致其權

在醜不爭

醜衆也爭競也當和順以從衆也

廣要道章第十二

安上治民莫善於禮

禮所以正君臣父子之別明男女長幼之序故可

以安上化下也

並同上

